



Republika ng Pilipinas  
**SORSOGON STATE COLLEGE**  
Bulan Campus  
Zone 8, Bulan, Sorsogon, 4706

LEKSYON 6

## *Sining at Kultura ng Filipinas sa Panahon ng Globalisasyon*

Layunin sa bahaging ito ng pag-aaral ang sumusunod:

1. Maipaliwanag ang kabuluhan ng wikang Filipino bilang mabisang wika sa kontekswalisadong komunikasyon sa mga komunidad at sa buong bansa.
2. Magamit ang wikang Filipino sa iba't ibang tiyak na sitawasyong pangkomunikasyon sa lipunang Filipino.
3. Maisaalang-alang ang kultura at iba pang aspektong panlipunan sa pakikipagpalitang-ideya.

Sa kasalukuyang panahon ay bakas na bakas ang mga pagbabago sa kultura ng mga Filipino. Ang tradisyon, kaugalian at gawi ay impluwensyahan nan g makabagong ideolohiya mula sa iba't ibang bansa. Sanhi nito, ang mga priinsipyo, pag-iisip, pagtanggap at pamumuhay ay hindi na purong Filipino kundi ito'y konsepto na ng maunlad at makabagong kunturang Filipino na may halo-halong impluwensya mula sa mga dayuhan sa bansa.

Ang konsepto ng mga Filipino sa bayani, Pinuno at Manggagawa

Sino ang maituturing nating bayani?

**Panimulang Gawain:** Isulat ang kanya-kanyang katangian at ipaliwanag sa klase kung bakit siya ay maituturing na bayani.

Si **DARNA** ay bayani sapagkat\_\_\_\_\_

Si **Dr. Jose P. Rizal** ay bayani sapagkat \_\_\_\_\_

Ang aking **ina** ay bayani sapagkat\_\_\_\_\_

Si Pangulong \_\_\_\_\_ ay bayani sapagkat\_\_\_\_\_

Tayo ay may iba't ibang konsepto hinggil sa **bayani**. Ito ay dahil sa iba-iba rin ang ating mga paniniwala at sariling ideolohiya sa buhay. Isama pa rito ang dahilang iba iba rin an gating karanasan at panahon n gating kamulatan mula sa pagkasilang.

**Saliksikin:** Isulat sa patlang ang nawawalang impormasyon upang mabuo ang pahayag.

1. Ang \_\_\_\_\_ salitang \_\_\_\_\_ pinagmulan \_\_\_\_\_ ng \_\_\_\_\_ salitang \_\_\_\_\_ bayani \_\_\_\_\_ ay \_\_\_\_\_.

2. Isulat ang iba pang salira na katumbas ng salitang bayani:

a. \_\_\_\_\_ b. \_\_\_\_\_ c. \_\_\_\_\_

3. Para sa akin, ang isang bayani ay iyong (isulat ang katangian) \_\_\_\_\_, \_\_\_\_\_, \_\_\_\_\_  
dahil \_\_\_\_\_  
\_\_\_\_\_  
\_\_\_\_\_.

### ISYUNG PANGKULTURAL NG FILIPINAS

Tayong mga Filipino ay kilala sa buong mundo dahil sa pagtataglay ng mabubuting kaugalian at katangian. Mayroon tayong kulturang bukod-tangi na bumubighani maging sa mga dayuhan. Marami sa mga kaugaliang ito ay unti-unti nang nalilimutan sanhi ng mabilis na pagbabago ng panahon at iba pang salik tulad ng enkulturasyon at migrasyon. Nararapat lamang na mapanatili sa kulturang Filipino ang mabubuting kaugalian. Gayunpaman, nararapat ding isaalang-alang na ang kaugalian ay hindi na umaangkop sa lipunang ating kinagigiliwan sa kasalukuyan.

Kaugnay ng kultural na usapin, kasalukuyang nakararanas an gating lipunan ng maraming isyung sumasagabal sa pagsulong ng bansa. Ang mga isyung ito ay kailangang matalakay nang sa gayon ay malapatan ng angkop na aksyon para sa ikasusulong ng bansa. Kaya sa bahaging ito ng pag-aaral ay tatalakayin ang mga isyung pangkultural ng Pilipinas.

**Gawain:** Isulat ang iyong kaisipan kung bakit masasabing “It’s more Fun in the Philippines” at kung ano ang mga katangi-tangi sa Filipinas kaya masasabing “Only in the Philippines”.



---

---

---

---

---

---

---

---

III. Gawain: Gumawa ng isang akdang pampanitikan, pumili lamang ng isa alinman sa (tula, kwento, sanaysay o spoken poetry). Ipahayag ang iyong nararamdaman, kaisipan o maging ang iyong opinyon na hinggil sa kinaharap na suliranin o isyu hinggil sa Covid-19 o pandemya. Maaaring pagbasehan ang iyong karanasan, paunang kaalaman at iyong mga naririnig hinggil sa balita o sosyal medya.



Republic of the Philippines  
**SORSOGON STATE COLLEGE**  
Bulan Campus  
Zone 8, Bulan, Sorsogon, 4706

## LEKSYON 7

# *Ang Pakikibahagi ng Kabataan sa Usaping Panlipunan*

Sa kasaluyang henerasyon ay sinasabing panhon ng mga milenyal. Panahon ng mga kabataan. Dr. Jose P. Rizal ay bumabanggit na “ Kabataan ang pag-asa ng bayan”. Naniniwala ang pambansang bayani na may mga katangian ang mga kabataan na gumawa ng mga bagay-bagay para sa ikaayos ng bansa. Ipinahihiwatig din nito na ang mga kabataan ay may kakayahan na mamuno at umakay ng kapwa kabataan tungo sa ikabubuti ng kalahatan.

Layunin sa pag-aaral na ito na:

1. Matukoy ang mga pangunahing suliraning panlipunan sa mga komunidad at sa buong bansa.
2. Magamit ang wikang Filipino sa iba-ibang tiyak na sitwasyong pangkomunikasyon sa lipunang Filipino.
3. Maisaalang-alang ang kultura at iba pang aspektong panlipunan sa pakikipag-palitang ideya.

### **Panimulang Gawain:**

Bumuo ng ISLOGAN na magbibigay diin sa mahalagang gampanin ng kabataan sa pagsulong ng pagbabago sa bansa.

Alamin

Maraming tungkuling ginagampanan ang mga kabataan sa lipunang kanilang ginagalawan. Marami ring mga isyu ang dapat matukoy ng mga kabataan at nararapat lamang na maging bahagi sila sa pagbibigay ng solusyon sa mga isyung ito. Paano maaaring maging bahagi ang mga kabataan sa mga isyung ito at paano sila makatutulong para sa ikabubuti at ikaunlad ng ating bansa?

**Pakikibahagi ng mga kabataan sa mga usaping panlipunan**

Basahin ang akdang talumpati na isinulat ni Michaela E. Macan makikita ito sa [Talumpati: Tugon ng mga Kabataan sa mga Isyu ng Lipunan \(michaelamacan.blogspot.com\)](http://michaelamacan.blogspot.com)

### Kopya ng Talumpati

#### *Tugon ng mga Kabataan sa mga Isyu ng Lipunan*

**By: Michaela E. Macan**

Ito'y isang talumpating aking inihahandog para sa mga Kabataang Pilipino.

Bago ko simulan ang aking talumpati, tatanungin ko muna kayo. Kagaya ko bilang isang kabataan, may kamalayan ba kayo sa mga nangyayari sa ating lipunan? Paano nga ba natin ito matutugunan at mabibigyan ng solusyon?

Sa panahon ngayon, marami ang nagsasabi sakín na kung hindi ka marunong sumabay, maiiwan ka talaga. Ngunit ang karamihan sa atin ngayon ay parang napag-iwanan na ng panahon. Marami na sa ating mga kababayan ang nalugmok sa kahirapan. Kahit anong sikap nilang umahon ay hinihila pa rin sila pababa dahil sa pagiging makasarili ng bawat isa sa atin.

"Ang buhay ay kakambal ng paghihirap" ika nga ni Buddha. Simula pa noong tayo ay sanggol, ang kahirapan ay nandyan na. Kahit iwasan natin ito, kahit magtago pa tayo saan mang sulok ng mundo. Hindi parin natin ito magagawang iwasan dahil ang kahirapan ay parte na ng buhay ng tao.

Imbes na magalit tayo dahil sa naging ganito ang katayuan natin sa buhay, dapat nating isipin at isapuso ang mga magagandang katangian na ipinagkaloob ng ating Panginoon. Ang mga biyayang ito ay may kapalit na responsibilidad upang ito'y gamitin sa tamang paraan upang mas mapaunlad pa ang ating mga sarili.

Ngunit taliwas ang tugon natin dito. Masakit isipin na dahil sa kahirapan maraming tao ang na udyok na gumawa ng mga masasamang bagay para mabuhay. Ang katotohanang ito na aking nasaksihan tungkol sa kahirapan na kinakaharap ng ating lipunan ay taliwas sa nakikita ko sa telebisyon. Kasi sa Tv, napapansin kong ang mga tao ay puro sisi sa pamahalaan sapagkat para sa kanila ay napapabaya na sila nito. Wala namang masama ang pagiging dukha, kung tayo ang magsisikap lamang na malampasan ang problemang ito. Ito ay isang bagay na hindi nararapat isisi kahit nino man. Dahil tayo mismo ang may hawak ng ating kapalaran. Ito ay maaring sanhi ng kawalan ng iyong pagsisikap, kawalan ng determinasyong mangarap at iba pang mga dahilan ng iyong paghihirap. Bilang isang taong may kakayahang magdesisyon at mangatwiran para sa sarili, nararapat lang na tayo ay maging responsable at huwag umasa at maging reklamador sa pamahalaan lalo pa't mahirap ang kanilang tungkulin sa ating lipunan. Mga kaibigan, Sariling sikap po ang solusyon sa kahirapan.

Kayo namang mga nakaupo sa pamahalaan at sa mga nakakataas, huwag po nating abusuhin ang kapangyarihan na hawak natin. Kaya nga pinili kayo ng sambayanan upang maglingkod sa kanila ng tapat at para maka tulong sa kanila hindi para kubitin ang pondo ng bayan at igasto para sa sariling kapakanan. Ang mga taong naghihikahos at naghihirap sa buhay ay mas lalong naghirap dahil sa mga kalokohan na inyong ginagawa. Sana'y inyong mapagtanto ang inyong mga nagawa para sa ikagaganda at ikalalago ng ating bansa.

Ako ay lubos na naghahangad ng pagbabago para sa ating lipunan. Magtulungan tayong lahat upang masugpo ang kahirapan. Simulan natin ang pagbabago sa ating sarili na gusto nating makita sa mundo. Sapagkat ang kahirapan ay kakabit na ng ating pagkasilang, nararapat na lamang na tayo mismo ang bumago nito at hindi lamang umasa sa pamahalaan. Dahil kung nakaya ng ibang bansa na pigilan ang kahirapan sa paglaganap, ibig sabihin makakaya rin natin kung ang bawat isa sa atin ay may pakialam sa mga pangyayari. Ako bilang isang tipikal na kabataan ay nais na maging huwaran ng lahat sa pamamagitan ng pag-iisip at pagkilos ng mabuti ng may katwiran. Mag-aral ng mabuti para may sapat na kaalaman para sa kinabukasan ng ating bayan. Balang araw, tayo ay magiging bahagi ng hinaharap, magsikap tayo habang hindi pa huli ang lahat. Kung may magagawa ka simulan mo na. Huwag matakot harapin ang hamon sa buhay dahil ang kahirapan ay di mawawakasan, kung mismo tayo ay hindi marunong gumawa ng paraan.

Kaya para sa mga kabataang pinoy, huwag tayong magpabulagbulagan sa mga nagaganap dahil tayo ang pag-asa ng hinaharap.

Sagutin ang mga sumusunod ayon sa iyong nabasang talumpati:

1. Ano ang ideyang ipinahayag ng awtor ?

---

---

---

---

---

---

---

---

2. Bilang kabilang sa kabataan, sang-ayon kaba sa paglalarawan ng awtor sa mga kabataan ngayon?

---

---

---

---

---

---

---

---

3. Ano ang iyong mensahe sa kapwa mo kabataan?at Sang-ayon ka ba na naghahangad ng pagbabago sa lipunan ginagalawan at Bakit?

---

---

---

---

---

---

---

---

